



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 116. Anglicana conjuratio in Elisabetham Reginam.

[urn:nbn:de:hbz:466:1-67246](#)

Sæcul. XVI.
A.C. 1584.

Denique postrema die septimo ejusdem Mensis Decembris promulgata est contra exules, & alios in Italia commorantes, qui animalia, & alia bona in Statu Ecclesiastico diripiunt, abducunt, recipiunt, vel permutant.

§. CXVI.
Anglicana conjuratio in Elisabetham Reginam.

*Cambden
ann. regn.
Elis.
Thur. t. 79.
Mem. de la
Ligue t. 1.
p. II.*

Interim Elisabetha Angliæ Regina continuato furore Catholicos divexabat, qua inhumanitate hoc anno ingenti vitiæ periculo fese exponebat: percipiamus autem rei gestæ seriem. Erat tum in Anglia Guilielmus Parrius Catholicus, natione Anglus inferioris Curiæ Senator, porro hic jam antea invicto erga Religionem Catholicam studio insignis, cum Parisiis ageret, cum Patre Wiat Jesuita conferebat circa animi sui propositum, quo Angliæ Regnum ad Ecclesiæ Romanæ obsequium reducere anhelabat: hic autem Jesuita, Vir acri ingenio præeditus immaturi hujus consilii periculum eidem ob oculos ponere fatagebat, allatisque multis exemplis demonstratum ibat, quod publicam tranquillitatem turbare, ac seditiones contra suum Principem fuscitare, nunquam liceret, etiamsi de Religione

gione ageretur: (*) itaque Parrius hu- Sæcul. XVI.
A.C. 1584.
jus Viri rationibus vix non plene convi-
ctus ulteriora haud moliri paratus vi-
debatur: postquam vero animi sui pro-
positum alteri Anglo, nomine Thomæ
Morgano, qui conservandæ religionis
studio in Franciam secesserat, manife-
stabat, hic confutatis Jesuitæ rationi-
bus Parrium nondum plene persuasum
eo induxit, ut ad pristina rediret consi-
lia, ac Morgano spopondit, se tunc, si
Papa ejus propositum ratum haberet,
idque a quibusdam Theologis Catholi-
cis comprobaretur, quantocius in An-
gliam profecturum. Prompta hac Par-
rii voluntate latus Morganus scripsit,
vel per alium ad Papam literas dari
fecit, quæ etiam per Rogazzonium Nun-
tium, cui fuerant traditæ Romam
fuere transmissæ: Verum Parrius ne-
quidem exspectato Pontificis responso
in Angliam trajecit, atque Edmundo
Nevillo cognato suo ibidem detexit,
quod Elisabetham trucidare, atque in

O 5 ejus

(*) Hoc principium certe Lutheranis, &
Calvinistis, ceterisque sectatoribus non ineſt,
qui tam in Germania, Francia, Scotia, &
alibi passim' absque conscientiæ scrupulo con-
tra suos Principes bella, & seditiones conci-
tarunt, sub prætextu, quod conscientiæ, ac
sectæ suæ libertatem tueri teneantur.

Sæcul. XVI.**A.C. 1584.**

ejus folium Scotiæ Reginam evehere intenderet. Spargunt nonnulli malevoli, sed absque omni vero simili ratione, quod Parrius interea Roma a Comensi Cardinale literas accepisset, quibus ad consilii sui executionem fuisset animatus, hæc ecquidem literæ, ut mentiuntur illi, pergratæ acciderunt Parrio: verum ejusmodi criminis atrocitas tanta est, ut ad ea perpetrandam plerumque animus exhorrefcat: quapropter infelix hic homo, quamvis aliunde sat insanus, adhuc tamen non modo hoc consilium exequendi difficultate, sed etiam funesta sorte, quam sibi metipsi impendere timebat, absterrebatur, atque in incerto ejusmodi cogitationum turbine fluctuans fortuito casu in Guilielmi Alani Angli Theologi librum incidit, in quo Tyrannorum vitæ insidiari, licitum esse legebat: itaque hæc decisio non minus Christiano, quam prudenti Viro indigna omne dubium Parrio sustulit, eumque in suo proposito magis firmum reddidit, unde eundem librum Nevillo tradidit, spe facta, quod eidem adversus Reginam odium non minus remissum instillare posset: verum hic magis sagax, magisque circumspectus hoc consilium detestabatur, cum vero, si hæc conjuratio detegeretur, ac ipsum rem sibi compertam

tam non manifestasse cognosceretur, Sæcul. XVI.
judicij severitate in se agi pertimesceret, A.C. 1584.
hinc Parrium denuntians, ipsum in Re-
ginæ vitam insidias struxisse accusabat.
Re intellecta mox Parrius captus Turri
includitur, & quæstioni subjectus ab
initio quidem rem pernegabat, sed co-
ram Nevillo interrogatus, re ipsa qui-
dem conjurationem fuisse conflatam
fatebatur, illius tamen præcipuum Au-
ctorem exstitisse Nevillum affirmabat,
afferens, concordi utriusque consilio
fuisse (*) statutum, quod Reginam vel
in suis hortis, vel in sancti Jacobi Pala-
tio deambulantem junctis viribus ag-
gredi vellent, atque sociis suis circum
circa dispositis, & ad primum rumorem
concurrentibus ipsi fuga elaberentur,
eo fine, ut omnes Catholicos ad arma
capessenda convocarent: insuper affere-
bat Nevillus, quod ambo tacto Evan-
gelii libro secreti fidem mutuo etiam in-
terposita

(*) Hujus supplicii genus juxta Thuanum
erat hoc: Crati impostus, ac per Londinen-
sem Urbem traductus ad locum supplicii trahi-
tur: ibi cum in priore denegatione persevera-
ret, patibulo suspenditur, moxque inciso fune
pudenda semianimi adhuc exselta, & cum vi-
sceribus ventre aperto extractis in ignem subje-
ctum coniecta, postea caput præcisum, Et corpus
in quatuor partes settum fuit:

Sæcul. XVI. terposita juramenti Religione sibi sp.
A.C. 1584. pondissent.

Post hæc cum Parrius rursus ad carcerem deduceretur, die quarta Februarii datis ad Reginam literis eandem rogabat, ut cum ipso clementer agere vellet, præterea sui criminis atrocitatem fassus Reginam obsecrabat, ut Scotiæ Reginam mitius haberet, ac sollicite illius vitam sartam servaret: insuper ad suos Judices perscribens rursus audiri efflagitabat: cum igitur, uti petierat, denuo interrogaretur, eidem confitæ Comensis Cardinalis literæ exhibentur, quas ipse tanquam veras agnovisse dicitur: porro postea denuo coniurationis crimen fatebatur, constanter autem pernegabat, quod vel unquam in Reginæ vitam insidias struere attentasset: verum hæc declaratio eo minus sincera videbatur, quo paulo ante manifestius id fassus fuisset, testesque, qui eum accusabant, eundem de hoc quoque crimine infimulassent: quapropter tanquam læsæ Majestatis reus morti adjudicabatur, quæ etiam sententia die secunda Martii effectui data est.

§. CXVII.
Anglici Senatus statuta pro præpediendis Coniurationibus.

Ex